

Fa ke ne le moeng  
wa mofaladi ...



**bible society**  
of south africa

## O ne wa nkamogela

“Ke ne ke le moeng, lwa ntshola.”

**MATHEO 25:35c**

Bafaladi le batshabi ba ntwabao ba batlang mafelo a a bolokesegileng a bonno, ba tletse gotlhe mo Aforika Borwa gompieno. Matshelo a bona a itemogela tatlhegelo, go kgaphelwa kwa thoko mmogo le tirisodikgoka. Le fa gontse jalo, tlhokomelo ya batho bao ba kobilweng e bile ba se na legae e itsetsepetse mo Beibeleng.

## Re baeng rotlhe

Mme ba di bonetse kgakala, ba be ba di itumelela; e bile ba ipolela gore ke baeng le baeti mo lefatsheng.

**BAHEBERE 11:13b**

Mme jaanong ba eletsa le le molemo bogolo, e bong la legodimo.

**BAHEBERE 11:16a**

Leeto la rona le simolola ka Atame le Efa fa ba kobiwa go tswa paradeising go simolola gape mo lefelong le lentšhwa.

Ke ka moo MORENA Modimo o mo ntshitseng mo tshimong ya Etene gore a ye go lema mmu o a ntshitsweng mo go ona.

**GENESI 3:23**

Mme Aborame o ne a bidiwa go tswa Ure go nna mo lefatsheng le le ntšhwa.

“Tloga o tswe mo lefatsheng la ga eno, o tlogele ba ga eno le lelapa la ga rraago, o ye kwa lefatsheng le ke tla le go bontshang.”

**GENESI 12:1b**

Leeto le tswelela ka Josefa a rekiswa mo Egepeto. Morago ga dingwaga di le 400 dikokomana tsa gagwe di ne tsa falautlha mo sekakeng go ya kwa lefatsheng le lešwa moo ba gakolowang ka gale fa e le bafaladi.

“Rraetsho e ne e le Mosiria yo o kgarakgatshegang, a fologela kwa Egepeto, a ya go jaka teng, a na le batho ba se kae fela, mme teng a nna setšhaba se segolo, se se thata, se sentsi.”

DOITERONOMIO 26:5b

## Jesu e ne e le moeng

Morago ga dingwagakete, Jesu Morena wa rona, a tsaya leeto go tswa kwa legodimong go ya lefatsheng fela o ne a se na phaposi. O ne a ganwa ke balatedi ba gagwe mme a bapolwa ke batho ba gagwe.

Jesu a mo fetola a re: “Diphokojwe di na le mesima le dinonyane tsaleapi di na le dintlhaga, mme Morwa-Motho ene ga a na fa a ka latsang tlhogo teng.”

MATHEO 8:20

Mme botlhe ba mo athola ba re,  
o tshwanetswe ke loso.

MAREKO 14:64b

## Beibele e re ruta eng ka go tshola batswantle le batshabi?

Go ralala Kgolagano e Kgologolo le Kgolagano e Ntšhwa re buisa gore Modimo ke Modimo wa ditšhaba tsotlhe. Thitokgang wa bosiamisi le go tlhokomela baeng le ba ba kgapetsweng kwa ntle e siana mo teng ga Beibele jaaka tlhale ya gauta. Molao wa Modimo wa re:

“E re fa moeng a lo falaletse mo lefatsheng la lona, lo se ka lwa mo gatelela. Moeng yo o lo falaletseng lo mo kaye jaaka mogalona, mme lo mo rate jaaka lo ithata; gone le lona lo ne lo le baeng kwa lefatsheng la Egepeto. Ke nna MORENA Modimo wa lona.”

LEFITIKO 19:33-34

Ga go sepe se se ka re  
kgaoganyang le lorato la Modimo

Mg. Paulo o re netefaletsa lorato  
la Modimo mo go tsotlhe tse di re  
diragalelang. Mowa wa gagwe o tla re  
gomotsa le go re tiisa.

Mme mo dilong tsotlhe tseo re fenya  
bogolobogolo ka ene yo o re ratileng.

**BAROMA 8:37**

Modimo o solofetsa go golola  
mongwe le mongwe yo e leng  
moeng mo lefatsheng.

Modimo ke botshabelo jwa rona  
le thata ya rona;  
o itshupile gantsi  
e le thuso mo ditlalelong.

**DIPESALOME 46:2**

Mme MORENA o na le nna  
a le senatla se se boitshegang;  
ka moo ba ba ntebelang ba  
tla wa,  
ba sa fenye.

Ba tla tlhajwa ke ditlhong  
tse dikgolo,  
gonne ga ba a kgona sepe.  
Ke kgala e e sa khutleng  
e e sa lebalweng.

**JEREMIA 20:11**

Maitsiboa go lale go le selelo,  
mme mo mosong  
go tsoge go le boitumelo.

**DIPESALOME 30:6b**

**\*Ditemana di tshotswe go tswa go  
Beibele ya Setswana 1970/1987**



E gatisitswe le go phasaladiwa ke  
Bible Society of South Africa.

[www.biblesociety.co.za](http://www.biblesociety.co.za)



BibleSA.co.za

**BibleSA**

Bibles and audio Bibles are  
available on the **BibleSA app**.